



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

4 c Ambrosius Bischoff vnd Kirchenlehrer.

urn:nbn:de:hbz:466:1-41449

willen im Kercker behalten / dise zwo aber ins fere gesetzt /
deren leiber doch vnuerletzt bliben / haben also mit Gebett
ire Seelen Gott auffgeben / vnd ire leiber seind von S. Anno Dñi
Anastasia begraben worden. Von Hierenia wirdt am 5. 287.
tag diß Monats gemeldet.

Item zu Tauromenio inn Cilicia die begräbnus des
H. Bischoffs vnd marterers Pancratis / der S. Petri des
Obersten Apostels Jünger / daselbst Bischoff geordnet /
wie ein tapfferer Ritter Christi / für den Glauben gestrit-
ten / vnd die Himlische Kron erlanget hat.

Item in Engeland des H. Cisterciensischen Bischoffs
vnd Beichtigers Richardi / der seinen Schäßlin löblich
vnd nuszlich vorgestanden.

Item der H. Junckfrawen vnd Ebtissin Burgun-
dosore. *Item hie ist was sint des H. Christiani*

Item des H. Batters vnd Beichtigers Nicete / von
welchem sein iünger Theosterictus geschriben.

Item des H. Florentij Bischoffs zu Straßburg / von
welchem weyter am 7. Weinmonsats.

e Pridie nonas Aprilis.

Der III. tag im April.

Das Mayland ist heut der Tag der begräbnus des
hailigen vnd hochberümpften Bischoffs vnd Kir-
chenlehrers Ambrosij / der zu dem Bisshumb wider
seinen willen erwöhlet vnd gezwungen ward / darinnen
er grossen ernst vnd tugent brauchete. Auf seinem fleisch ist
das ganz Welschland von der Arrianische Ketzerey zum
Christlichen Glauben beköhret worden. Hat auch den
heyligen Augustinum bekört vnd getaufft / vnd vil heili-
chee

Aprilis

Anno Dñi
389.

cher Bücher geschriben. Theiden Kayser Theodosium
inn Bann/ vnd schloß in auß der Kirchen/ biß daß er sein
aufferlegte Büß volendet/ darumb daß er einmal vn-
schuldig blüt zu Thessalonica vergossen het. Leuchtet mit
vilen wunderzaitchen / vnnnd verschid endtlich im freiden.
Sein Fest wirdt auch gehalten am 7. Christmonats/an
welchem tag er zum Mayländischen Bischoff gemacht
ward.

Anno Dñi
620.

Item in der Spannschen Statt Hispaliß/die Be-
gräbnuß des hailigen Bischoffs Isidori des jüngerß /
so inn Lehr vnnnd Hailigkeit des Lebens fürtrefflich war/
vnd vil nützlicher ding der Kirchen zu wolffart geschriben
hat.

Item die erhebung der H. Reichtiger Vlgisi/Amul-
guini/Theodulphi/Abel/vnd Hildulphi.

Item in Persia des herrlichen Marterers Benia-
min / vonn welchem inn Tripartita Historia geschriben
stehet.

Item des H. Diacons Ambrosii/ von welchem S.
Hieronimus schreibt / daß er erstlich mit des Marcions
Keherey befleckt / aber durch Digenem den Lehrer sich
gebessert/vnd darnach inn bekantnuß des H. Erren fürs
trefflich gewesen.

d Nonis Aprilis.

Der V. tag im Aprill.

In Egyptenland ist heut der Geburtstag der H.
Marterer Pauli/Victoris/Nicanoris/Apolonii/
vñ der Junckfrawen Martiniane//Noch daselbst
in